



Regd.No.19134/88 <http://www.kbc.org.in> NAI/220/99
No-G-4/Regd.Magazine/KBCThuso/MNP-81

So469

KBC|THUSO

Kum 55 Ihinna

Lhadou/June 2018



PATENIKHO

July 2018. Events

KUMKIM AUDIT 01-05
LOM RESOURCE CENTRE - 15
ANTHAH LOP - 29

"Kapa theng, eini pumkhat ihi bang a amaho jong
pumkhat ahitheina ding un, Nangman amahohi hong in"

John. 17:11

KBC Events World Environment Day
10th June 2018

WORLD ENVIRONMENT DAY



www.kbc.org.in



kbcindia@gmail.com
mail@kbc.org.in



CONTENTS

THUMAKAI HO

1. Editorial/Pate Mopohna	1
2. Pate Nikho/Rev. D. Dounghel	3
3. Leisethi ikholjin nau ahi/Rev. Thangsath Kipgen	5
4. Pakai Mitmua Santhei/Rev. Letpu Kipgen	8
5. MBC a KBC/Rev. Henjalen Dounghel	11
6. Environment Day 2018/Pastor Henkhohlen Kipgen	17
7. Mission Column	20
8. Women Column	22
9. Youth Column	26
10. Christian Education Column	28
11. Report	29-31

EDITORIAL BOARD

Chairman	: Rev. Dr. Hawingam Haokip, President KBC
Editor	: Dr. M. Thongkhosei Haokip, General Secretary
Joint Editor	: Rev. Henjalen Dounghel
Contributing Editors	: 1. Rev. Letpu Kipgen 2. Rev. Onthang Haokip 3. Rev. Kaikhokam Chongloi 4. Pastor Paokhohao Haokip 5. Pastor Satminlen Khongsai
Cir. Manager	: Ms. Lhingjanem Haokip
Design & Layout	: Hemkhohlen Haokip

THUSO LAHMAN

Church/Organisation/ DepartmentRs. 300/-
IndividualRs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 9612817768 Contact thei.
Circulation to kisai lam Mobile No. 9862633173 bol ding.



“Pa te Mopohna”

Editorial

Tuni nikhoa keiman nang kathupéh thu kisei hijatpi hi na lungthim sunga cheng jing jeng ding ahi; chuleh hichengse hi nangman insunga natoupet hihen lang lampi dunga nava le pet hijongleh, nalup pet jeng hihen lang nathodoh pet hijongleh, aboncha in nachate nasei pèh a lunglut mongmonga nahil jing jeng ding ahi. Chujong leh thupeh hijat hi nangman na khut a na nasom lhop jing jenga melchih thei tah a nakoi jing jeng ding ahi. Hitia chu aboncha a insung kotpi kom dung jousea jong najih soh keiya, chule na in kelkot dung jousea jong najih ding ahi. (Deu 6:6-9)

Thumakai:

Amasatah in muntina um Kuki Christian chate jouse ahideh a KBC member ho jouse chung a i Pakaiyu Jesu Christa minin salaam kahnpe cheh uve. Tulha thupi chu “Pa te Mopohna” ahi toh kilhonin, i houbung leh lhangpi hinkhoa sahphat ding tampi lah a Pa te mopohna jong hi poimo takhat in kagelin ahi. Hiche article ah hin Kuki Christian te lah a Pa te mopohna ho themkhat itahlang nomun ahiye.

Pa te mopona hi alhangpin mun thumah akikhenne. Khatna ah, insung a amopohna; Nina ah, houbung sung; chuleh thumna ah, kholaiya jong mopohna anei kit ahiye. Hiche mun hoa hi amopohnau chu – ajinu dinga inneipu, achate dinga mipa ahi. Insunga adeh a achate chung a amopohnau chu ahileh, khatna ah, mihil (teaching), nina ah kichuhna (training), thumna ah thumopna (instruction), aphaatseh a aji le achate dinga umjing (always available) chuleh vetjui theitah hinkho man chu ahi.

Houbung sungah hin amopohna diu bangtah leh kilomin chan akipe'n ahiye. Pathena kona thilpeh (gift) chang hihih jongleh pasal vaipohna leh chondanin aphal peh ahi jeh chun a tohthei hou chu tampi aumin ahi. Hiti chun pulpit alo un, mihilna lam jong amaho jeng akibolsah jie. Pate mopohna hi phatah a gel-phat peh angaiye. Chutobanga Pate mopohna atam vangin, Pate hon amopoh ding bangin pan ala pouve. Tekahnan, Pate Kaikhomni (Tuesday) nile Pa te akikhom kham jong kium jilou ahi. Amavang Convention level hihen gambih level hijong le Assembly dunga thusei ding akichu ji un, boina phabep aumlo jitai. Hijong leh mipa te ijat ham khat pan lah na jallin, insung, houbung sung chuleh gamsunga kikhelna lentah aumjinge.

Danbu nina sungah mipa te mopohna kicheh tah akimu theiyin ahi. Pathenin anam lhen Israel mite ahideh a mipate mopohna anapeh chu imu uvin ahi. Eiho jong lhagaova Pathen nam lhen thah Israel ihiu to kilhonin pa te mopohna chu eiho jong ichang kit tauve. Pa te hi insung le kholai nom tah semna din mopohna anei yui. Kholai/lhangpi damtheina ding in insung nomtah sem angaiye. Insung nom tah semna dinga bol thei phabep umho ana veu hite: Kitimatna sem (Bonding), Agei he semna (Boundary), chule Chin tupna (Monitoring) umсах angaie.

Kitimatna Semna dinga insung kihou limna a pao ngeitah man a, khat le khat henga thungai/thupha sei a, tilkhouna thucheng kihou lim ji ding ahi. Chule, inko/insunga jochana an nekhkom jia, iji ichate to phat mankhom ding, insunga nuikhom phat nei angaiye.

Agei he semna (Boundary) kiti chun, insung dan kitup tah sema, neh le don, sil le chen, thusei-lasah, phat man dan tiho ijakaia akilom le san thei dol dan sema, chutobanga chu agei hena sem ngaiyah ahi. Dan phatah chun mihem apui jang sah thei ahi.

Atumna leh achaina ah, insung a aji achate achena asuhna, aneh adon u phapha hinam tia phatah a chin/vet tup peh (Monitoring) angaie. Hichun achekhel na theihouva kona aphot cha a suhdih na aumsah thei ahi. Lunglut tah a sim jouse chungu Pathen vangpeh chang taken.



Rev. D.Doungel

SERMON

“Phatthei eiboh lou laisea kalha lou ding ahi”

Gen. 32:25.

Introduction:

Achunga kijih thupi hi Pathen le Jacob Peniel mun na akibot lhon na Pathen in neilha loijin khovah ding ahitai kache ding ahitai tia asei phatna Jacob in, **“Phatthei neiboh louse a kalha louding nahi”** tia adonbutna thuchang chu ahi. Pathen chu hatchung nung Pathen ahi ti ihechek un ahi. Ahinla Jacob toh akibot chun Jacob in Pathen ajouve tin Bible in aseijin ahi. Pathen ajophat in Pathen in ama chu phatthei naboh ahi tin akicheh in ahi. Jacob in Pathen ajothei na le phatthei boh achantheina alohlinna thuguh ipi ham ti anojia hin banneichan veuhite.

A. Chom umna hinkho(Separated life)

Jacob chu apu Laban kom’a kon na Canan gam jon na hung ahi-uvin, Pathen toh akibot jan nah in ama hi a changseh in Peniel kiti munna chun ageh in ahi. Aji

a chate le agancha hotoh agek-hom sungu chun Pathen ahung kilah pon ahi. Ahin a changseh a aumphant in Pathen akom ah ahung kilah in ahi. Hiche in avet-sah chu Pathen hi ithunun theina dingin vannoti chonset naho

toh kikken angaije ti eihilun ahi. Chonsetna toh hingkhom ho chu Pathen toh aumkhom theipon chule phattheina jong acheng theipon ahi. Abraham jong chu Lot tahsa mipa toh akivop sungse Ihon in Pathen phatthei boh na achangpon, ama toh ahung kikken phat in Pathen in phatthei ahinboh in ahi(Gen.13:14-15)

B. Pathen hatna a kison na hinkho(Depending on God's Strength)

Jacob chun athahat sungin Pathen ajoupon ahi. Ajolouding chu Pathenin ahet phat in ama hat'a akisonpilouna dingin Pathen in a khelpigu aheboh peh in ahileh athahat na abeitan hichun Pathen ahinjoubep in ahi. Hichun mihem in eima hatna le boltheina ikisonpi laisen Pathen phatthei bohna akichang theipoi ti avetsah in ahi(Gen. 32:25, Zach. 4:6). Abraham chun athahat sungin Ismael ahing in ama chu tahsa mi ahung hin, ateh nung le athabei nunga ahin chu Isak ahin ama chu Pathen mi Pathen nam lhen ahung changin ahi(Gen.17). Hijeh chun Pathen phatthei boh chantheina dinga eima hatna jouse imacha louva gel'a Pathen hatna a kison ding angaijin ahi.

C. Lungthim pumpi a ama holding(Seeking Him with all our heart)

Jacob chun phatthei neiboh masang se a kalha louding nahi ati. Hichun lungthim pumpi a Pathen aboldan avetsah in ahi. Ezra jong chu gunchutah le lungthim pumpi bot-eh in Pathen anabon in ahileh Israel chate hinkho a kikhet na anaboldoh in ahi(Ezra 10:1) Jesu amatah in jong nalungthim pumpin, nathanei na pumpin chule nalhagao pumpin Pakai na Pathen ngailun tin ana-seijin ahi.

Conclusion:

Jacob phatthei boh a chan theina thuguh chu chom umna hinkho, Pathen a kison na hinkho chule lungthim pumpi a ama holna a kon'a Pathen in phatthei aboh a amin jong Jacob a kon'a Isreal a akhelpeh a Pathen namlhen hina chu hung chang ahi ti akichen in ahi. tunin sopite ho eiho jong Pathen phatthei boh chantheina dinga chu Jacob lolhin na thuguh hi eihon jongijuiuva ahileh eiho jong Pathen in phatthei eiboh kit diu ahi. ajeh chu jacob phatthei anaboh pachu eiho Pathen jong ahi. Pathen in a thu ibonchauva dingin phatthei boh taken amen.

LEISET HI IKHOLJIN NAO MUN AHI

(1st Peter 2: 11)

*Rev. Thangsatsat Kipgen
Langol KBC Centre Church*

SERMON

Amasan KBC Thuso anasim ngailut umtah nabon chaovin kangailutna KBC Centre Church Langol a konin salam kahin peove.

Phat sottahti hi KBC Thuso a kakamcheng na najah phah tah lou diu ahin, ken jong article khat cha jong kana pe khapon, hijong leh tungchung article khat jih dinga nganse na kachan hi kipa um kasa l'heh in Pathen kathang vah in ahi.

1. Na Hinkho hi ichan na sao, hing dinga nakingai to ham?
- II. Nakhol jin sunga itobanga lam nahin jot hitam?
- III. Kholjin na Hinkho chomcha hi itobanga akichai ding nadei jem?

Sopite Leisetna ihin khou hi kholjin nagam ahi ti hi ihetsao ahi. Hinla seiding tam l'heh jong leh tunia chungahung kitah doh point thuma ikihou lim khom diu vin kalung gel kahin tahdoh in ahi.

1. Na Hinkho hi ichan na sao dinga nakingai to ham? Leiset chung mi-hem ijat ham khat kiki mu pi hen lang thudoh hi kinei leh, ipi adon but tadiu vem? Mi abang khat nin leiset chungahung sottahti hinna inle lou semtoah a chule chale naohojong aichen nu suhtup ding chule gamle go neija nomtah a um ding tiloi abang khat in, NGO/Development sangtah in kibol hen lang vaicha genthei kiki thopi leh tiloi, Abang khat in thunei vaihom lentah a pan ding, tiloi jatchom chom sei um min te. Hinla Jacob lekhabu in hinkho chung chang hitin aseije, "Nangho mi kim khat in tuni ahim, jing ahimle hiche khopi a khun cheohitin kumkhat gathamutin, kiveikan nute, natiuve, ahin jinga ipi ahung so ding nanghon nahepouve. nahin khou chu ipi ham? Nangho twimeiki chomkhat kimu a chujoule kimujita lou nahiue" atin ahi. (Jacob 4: 13). Hinkho hi pahcha tobang gangtah a molji tobang ahi, chule nilim kihei tobang bep ahi atin ahi. Evangelist khat in crusade abol na a Pakai Jesu chu hinkho nanei pet nin Huhhingpu dingin kisannin tia aseijin mikhat nin thusei kichai jin Evangelist pu Pakai chu ithi konjong le

kisan thei hilou ham tia adoh le henge nakisan thei ahinai. Ahile itih le kathi ding ham tia adoh leh tujan na jong nathi thei ahin ti-peh in, mipa chun ahileh tua kakisan ding ahi atin ahi. I hin khou hi dolchunga twi vei bep tobang ahi. Sadu Sunder Singh ngin Hinkho khatseh gangtah a cheloi tading, Pakai a dinga nakitong bou umding ahi atin ahi. Achuti leh hinkho chomcha hi Pakai toh che khom, umkhom ngai hitalou ham?

II. Nakhol jin sunga itobanga lam nahin jot hitam? Peter lekhabu ivetna ahileh Ngatah teho nangho maljin le khopem nahiuve tin ana seijin ahi. Leisetna inu oisunga ihung pen na kipat na hi ithi kah hi kholjin nagam, lamjot ihuive ti kicheh tah in akichen-nin ahi. Mi abang khat leng inpia aumjing manna kholjin kahipoi ati thei poi. Hindu sakho ahou gut hon dettah in kitah tah in hinkho amang ngun setna abol-pou vin ahi. Ipijeh ham itileh ase kabol leh kahung pen kit teng leh uicha gancha a kahung pen ding ahin, apha kabol leh milen khat a kahung pen ding ahi ti atahsan-nun kicheh tah in hinkho amang ngun ahi. Tunia nangle kei ikinep nao chu leiset chung jeng hilou vin leiset kholjinna kichai leh khutna sahlou vangamma umding ti ikinepnao ahin, ilam jot naova kitah tah a kal song ihu hinam? Peter in Christian vahcheh te ho henga lekha anathot

na a address abol na chu ngaitah teho, kasopiho tin anasei jin ahi. Nahin kho chu nangman nathu thu a naman thei ahinai, koiman nangma chung a tha anei poi hinla na Pakai pa nung jui louva nanop nop a nehle chah haona dinga khamna thei lou le ai a kivei ja chule Kani, Kanja a kalbal bol nahileh haonan natin tulai a Gari thah thah neijin natin nomsa nan nate ahinla, Mi kham nathei ngolna thei nathil bol chu nangma insunga ahung kile ni chu nakana hiding angah tih umlou va genthei ding nahi chu kihet nin. Pakai jin hinkho chomcha eipeh hi ama lung deilam boldoh dinga ei dei hilou ham? Stephen hinkho ivet leh chomcha hinkho aneijin a Pakai a dingin ahinna anapen ahi.

Titanic kong chu athusim ihetdiu ahin kiletsah tah a lam ana jot u ahin, chuma leh kong chu alhumthei lou ahi atiuvin kiletsah tah in lam ana jot un nachenao lampi chu khel taovin tia signal tampi amu uvin hinla lampi khel-louva ajot jing laiun buhbang asukhaovin akong alhummin hinkho tampi abeijin ahi. Ikhohjin nao lampi hi Vangam jotna lampi hinam ti vephaote.

III. Kholjin na Hinkho chomcha hi itobang akichai ding nadei jem? Houbung sunga mithi ahung umteng leh mipin agel khat chu ipi tia thi a ham ti het-nomna aneijin ahi. Tulai adeh a

Houbung sung jong hephalou amaning ninga umma kingolsah ho le Houbung sunga kicheh tah a umho kibolna jong akikhen in ahi. Chule kinthempu a pang dinga jong chutima chu ahi. Aipi chu hitaleh kituptah a kicheh tah a anaum ho vang chu puldouna le mitlhi lonna hijongleh khonunga kinepna chu aumin ahi. Rev. 14:13 ivetleh "Sunnin tukalla Pakai mina thiho chengse anun nom ahiuve .anatohgimnaova kicholnga ding ahiuvn, anatoh chengun anung ajui ahi." Tin aksunne. Hijeh chun Pakai minna

thi chu anome ong: David Living Stone hinkho ivet leh Pakai ja dinga anopsah na chengse adalhah a Africa mite a dinga ahinkho apeh chun, along agamlanguva vuina aneijun aloipan hitin ana seijin ahi. " David leiset a dingin vaicha tah in hinkho nahin mangin,(athil avon ho jong box neocha jong dimjou lou chu aven) leisetna dingin mivaichapen nahin, hinla vanna nang sanga haojo umponte" atin ahi. Sopi te nangma la itobanga nahin kho a nalam jot kichai ding nadei em?



PAKAI MITMUA SANTHEI

(Acceptable in the sight of Lord) Amos 5:21-24

Rev. Letpu Kipgen,
Finance Secy KBC.

Thumakai :

Tulai eiho(eimi) Christian hon Pathen ihoudan'u hi ivetleh pachat umtah chule khantouna sangtah in Pathen ihou'uvun ahi. Athupi penna igel'u hi Hou-inn(Building) hoitah a sah chule Musical instrument, sound system ho apha pen le ahoipen neiding le man ding tihi atamjo ilunggelu ahi. Pathen thu (Bible) jong agilna theipenna sei ding chule Degree sangtah lah'a Pathen thu seiding, chuti le Pathen kipah inte tia gelding hi keima mudollin atamjo ahi ding katahsan ne, chujongleh thilpeh lama kitet ding tihi ahi.

Israel ten jong 8th Century BC laihin, sum le pai, kiveina business jeng jong ana pha lheh/ana khangtou lheh jengun ahile Patheh Hou-inn thenga jong thil tampi ahin polut'un /kithoina gantha abollun golnop jong tampi ana boljiuvun hiti ho a hi Pathen kipah ding ham tin agellui. agalmi ho lah'a Assyria ten ima analothei pouvin ajeh chu Jeroboam II(second) leng achan hin economy lamah sangtah in akhantou sah in ahile Israel tehi koiman ima alothei lou ding uva ageluva lungmong ahiuve.

Hiche khanglaija hi loulhou mi **TEKOA** kho a peng Amos Themgao koma Pathen nin larael te koma gih nale lung aheina dinguvun thu aseisah tan ahi.

Anoija hin Pathen lunglhaina ho phabep veohite.

1. Lhagaova avella thanop sahna halna neidinga kouna:

Amose 5:4-9 lhagaova kithahsem na dinga hi thu adihtah a seiding ahi. thutah hi lhagaomi dihtah hoa konin ahung kilang doh jie. Pakaiyin hitin aseije keima neiholuvun lang hinnan neijuvin Bethel khopi lam hol dauvin chule gilgal khosunga jong lut dauvin" ati. Israel ten Pathen holsanga Pathen houna ding mun akhoh sah'un ahi. Bethel munna chu Pathen in Jacob ana kimusah in chule gilgal munna hi Pathen ahounao mun thupi pen khat chu ahi. Pathenin asei nom penle adeipen chu houin mun sanga ama aholdingu chule thu adih'a atan dinga ahi ati.

Mipengthah khat chun thu adih'a atan'a asei ding mong ahi. thutah thudih hi Pathen'a kon ahijeh in mipeng tah dih tah lhagaova hing mi chun ahikhoa thutah le thudih aseija hinkho aman ding doltah chu ahi.

2. Thutah, thudih a hing mi chun midang asudih theije(Amose 5:10-17)

Tulai hin ivetle midang suhdih ding ahilou leh penthah sah ding ati ahivanga ama thutah thudih a ding-ngam lou chule kitahna neilou mi atame. Themgao Amos in aseinom pen chu hou lamkai hole lengvai pohon thutah thudih choilouva midang suhdih ding atiu hi Pathen in athetpen tah khat chu ahi tai.

Amos Themgaovin hiche Bible changa aseinom pen thilni aume. Anojia hin veuhite:

A. thutanna adih lou lama kimang cha(vs.1012,15)

1. Thutah/thudih seiho le mipoh a pang ho akidah taove.
 2. Nehguh chahguh in thil abolun ahi.
 3. Mihao le mivaicha kikh a thu adih in atanpeh pouve.
- Tunin jong ivet leh amin'a Christian hia sihnei, langnei bolla thu dih le thutah ama a umlou/neilou hon thutah/thudih seite ho suhmang na ding gong a tampi aume. Christian ten thutah lou/thudihlou kiti hi idou dal dinguh ahi.

B . M i v a i c h a h o suhgenthei(Vs.11)

Bible in thudih atihi mivaicha genthei, nulou palou te kithopi hi athupi loi khat ahi ati. Isreal ten thu adih a tan sangin Hou-inna gol nop bolding chule thilpeh phapen pen pehding hi ana gelkhoh un ahi. Ahinlah Pathenin adei vang chu ahileh mihao, michaicha khentum umlouva kibanga thu adih/kiang chetna athu tanpeh ding ahi ahi.

3. Thutah thudh hi Pathen santheija houna ding lampi ahi (Vs.18-27)

Pathenin Isreal mite koma Amos themgao mangchan hiti hin aseije ***"Kut nabol jouseu jong ka-deipoi khoppi theng tampi bo-jong leu chun kakipah dehpoi, Nanghon pumgo thilto tampi neipeuvin, lhoso thilto tamtah neipe jongleu chun kasanlou helding ahibouve"***(Amos 21-22b). Hibanga hi tunia eihon jong igel thupi houhi kiloikhom(Society) kina bihna(Denomination) chule golnop tampi ibollun ahi. Hiche ho hi Pathen ihounao le itahsan naova dinga athupipen ahipoi thutah, thudih'a ihin dinguh ihou dinguh hi athupipen ahi. Pakai Jesu amatah in jong ahou dinga adei mi chu lhagaova dihtah'a hing mile thutah'a vaihom mibou chu adei ahi. Pathen chu lhagao ahi chule ahou ten lhagao le thutah a ahou ding mong ahi (Jn.4:24).

Thukhum khana :

Sopite Pathen lunglhaina le ama deilama chule santhei doltah'a hou ding itile amasa a lhagaova hing mipengthah chule thutah'a bou hingjing michu Pathenin adei ahi. Vannoi thil hohi ajemhoi bou ahin, Pathen lungchang tongkha

thei vang ahipoi. Houbung sung le ikiloikhom nao hi dam hen/cheboihen Pathenlunglhai hen itiuleh lamkai ho le Pastoe hon thutah a vai ihom ding chule sihnei lang nei bollouva Pathen mai vea vai ihom ding /ipohdinguvin ikitemuve.

MBC a KBC.

Rev.Henjalén Doungel
Mission Secretary

Sermon

First American Baptist Missionary ho chu North East India gama 1836 kumin ahung lut panun ahi. Nathan Brown le O.T Cutter chu ajiteni lhon chuto China gama lutding kigotnan Assom ahung lut uvin Sadiya muna March 23, 1836 kumin ahung lhungun ahi. Agammite akon muda nale thinglhang gam hahsat nan alonvuh vangun Pathen in eihin solu ahi ti tahsan nan tompa tahin apangun Assamese pao ajilun, lekha tana printing press ahintungdoh un agampao aledoh un chule lekha simnalam, themjilna lama pan ahin lataovin ahi. Hiti hin North East India gama Pathen natoh ahung machal pan tan ahi.

Assam Mission hung kipat jou kum 10 sung chun Houbung kitun doh na lama kikhel nalen tah ahung um tan ahi. January 26, 1845 kumin North East state thuma kona Pathen tahsan lamkai masaho chu Guwahati a ahung kikhom un Baptist Church of Assam ahin semdoh tao ve. Garo Hills a dinga houbung masa pen chu Rajasimla kiti khoa 1867 kumin phudoh in ahung ume. Nagate laha houbung masa pen chu

Arunachal Tirap District a Nam-sang khoneo cha khat a ahung kiphut doh pan in ahi. Miles Bronson le ainsung mite chu hiche khosung a hin anacheng un ahin lah tahsa damthei lou jeh in 1840 kumin amun chu ahindalha taove. Nagaland a Pathen thu hunglut chu Assam gam mi Pathen hinhou Godhula Brown le Rev E.W. Clark hung lut akon ahin, Naga ho laha Houbung lhing tah a ahung umdoh nachu 1872 a Dokhahaimong kiti Ao kho khat a hung kipa ahi.

Manipur gama Baptist houbung hung phutdoh chu William Pettigrew ahin 1896 kuma hung kipan ahi. Baptist houbung hi Nagaland sanga Manipur hi kum 14 a chapang jo ahi.

Tunia eihon CBCNEI tia ihetu North East India gama Baptist te kiloikhomna lenpen hi Assam Arunachal Manipur Maghalaya, chule Nagaland sunga Baptist houbung jouse kigop khomna dia 1950 kuma hung kigongdoh Council ahi.

Tuhin hiche Council a hin houbung 7000 aumin, Association 100 aumin hihochu Regional Convention 6 in akikhen in amaho chu Assam Baptist Convention, Arunachal Baptist Churches Council, Garo Baptist Convention, karbi Anglong Baptist Convention, Manipur Baptist Convention le Nagaland Baptist Church Council ahiuve.

Manipur Baptist Convention (MBC) hi Manipur sunga Baptist houbung ho kipun khomna Convention chu ahi. Association 29 aumin, houbung 1330 val aume, chule baptized member 2,00,000 tabang aumin ahi. Hiche Convention hi CBCNEI chule Asia Pacific Baptist Federation le Baptist World Alliance a kikhai lha ahi. Missionary William Pattegrew in 1896 kumin Tangkhul kho Ukhrul muna Pathen thu ahin polut tan Manipur a Pathen hin houmasa pen nam mite chu ahung hitaove.

Chujouv in 1903 kumin A. Porom Singh chun Pathen ahin houkit in meilhei te laha Pathen houmasa pen ahung hikit tai. Kuki te laha Pathen hinhou masa pen chu Nehseh Chongloi ahin, amahin Nagaland a Angami Christian ho akon Pathen ahin hou ahi. Abana Ngulhao Thomsong ahin amajong Nagaland gam mi ahikite. Amahin American Baptist Mission Society te Manipur a ahung lut uva Pathen thulhangsap na anakithopia ama hapan jala Tujang Vaichong khomi 85 in Pathen houna ahin neiu ahi tin F.S Downs nin anaseije. Kukite laha Baptism masapen chu 1914 kumin U.M Fox in anabole. Kuki te laha jong houbung phudoh ahitai tin Tujang vaichong a phondoh na ananei jin Lhingkhosei le Letlam chu Pastor le Deacon din thenso na ananei jin hiti chun kuki te laha Pathen houna ahung kipan tai.

Kuki Baptist Convention hi MBC noija kikhailha Association 29 ho laha alenpen khat chu ahi. 16 March 1958 kumin Tujang Vaichong a ahung kitung doh in tunin houbung 294 aphan, Centre church 21 alhingin chule gambih hi 20 in akihomkhen e.

KBC in MBC dalhah ding tin kum phabep anaboi pin kum tampi Assembly a discussion in anapang jinge. Hiche dinmun chung chang ahin MBC sunga kiloikhom Association 29 hon dalha hih un tia official taha alhonaong jong

aumpon chule dalha taovin tia no na jong aneikha pouve. Dalhah ding le dalhah louding chu KBC deidan dana kingam jeng ahi.

Hiche jehpen ti kicheh beh lou vin hiche thu hi ahung thip kit tan hijongleh nikhat le hung gingdoh theikit dinga aum jehin tunin midang Association lamkaihon MBC avetdan le KBC lamkai phabepin MBC ivetdan themkhat anaveo hite.

1. Kuki te le MBC : K u k i Baptist te kipunkhomna KBA LE NEKBAM chu 16th March 1958 kumin KBC tin ahung kipunkhom in hinlah lungel kibah louna chom chomjeh in NEKBAM chu 1964 kumin ahin tungdoh kit un Chongthu Baptist Association tin T.Wakonphai a phondoh na ahin nei taovin chule KBA chu 1970 kumin ahin tung doh kit un Thadou Baptist Association tin ahin minvo taovin ahi. Kibungkhen na lentah asotah vangin Ch BA le TBA lamkai hon nasatah in MBC a affiliation neilou apoimo dan ahethjeh un anangaitouvin tunin Association lhingset cheh in aumlhontan KBC to equal status in aum lhontan ahi. Hibang chun Association dang dang Komrem Baptist Churches Association, Chin Baptist Association, Chothe baptist Churches Association, Vaiphei Baptist Association, Gangte Baptist Association, Chirurem Baptist Association ho jong ahung kip-

hut doh un abonun MBC a Affiliation neilou akhoh dan ahethjeh un Affiliated Association ahicheh taove.

2. Tangkhul te le MBC: S o p i Tangkhul tehi MBC noiija Association ni in Affiliate ahivu. Tangkhul Baptist Churches Association (TBCA) le Southern Tangkhul Naga Baptist Association (STNBA) tin akihe lhone. TBCA hi MBC sunga dinga Association lenpen Baptist member tamna pen ahi. Tuhin amaho laha Association ni Northern Tangkhul hole Eastern Tangkhul hon jong MBC a affiliation mutei ding tin kum 15 lam hi ahin thum taovin ahileh MBC dandungjuja hithei ding ahi, hithei louding ahi tin kinel na akumseh in aumjing in Annual Assembly seh leh hiche agenda hin mipi lung asunoh phah lheh jeng jin ahi. Hiva kona Mudoh thei khat chu eiho KBC akon Chongthu le Thadou tia ikikhen uchu hamle pao thakhat tho hijong leohen nomenclature thua lunggel kibah louna keiho Thadou kahi, Chongthu kahi nangho Kuki nahivu ti jalla Affiliation choma neiding ti lungon hung uma kikhentel ihivu. Sopi Tangkhul te vanghi ahileh hina le dinmun jouse khellouva Area a kihomuva Tribe khat hina identity kehchom louva MBC ahi area 4 a affiliate bolding hi atop pipenu ahi. MBC ahi chanvou jouse Association wise a kihom ahijeh in hiche affiliation hi ahin mu uleh

chanvou lia chang diu tina hijeng ahi. Pathen houthua jong thunei ding leh vaihom ding adeijun atoh na mun uva apeh doh sanguva tam jo chan ding lung gon aneiun tuni chana MBC mission compound sunga hi atamjo chanvou jouse amaho chang ahiuve. Hitabang chanvou channa dinga hi tunung jong leh amutokah uva affiliation hi adeljing nah laidingu Council le Assembly in ahin seichim teng nikhatleh apeh thou thou ding ahi. Jatdang ten hichan a Affiliation muteiding tia aboipiu hi ipijeh ham ti lultaha gel angaije.

3. Politics le Religion. Na m - khat a peng mihem jouse hi politics sailouvin koima ahithe poi. Politics lolhingtaha saithe nadin Pathen het angaijin, Houlam kai hon mihemte pilhing taha Pathen tahsan nale natoh nalama ahin pui lut ule namkhat politics jong achejang sah thei je. Manipur sunga Pathen houna lampanga munthupi penle miten jana apeh chu MBC hi ahi. Gamsung thilsoh khat ahung uma government lamto kimuto angaiteng MBC Secretariate mopoh na ahiji. Hitabang munthupi pena uma jatle namjouse hopa natoh na amasapena pan lahding/lahnomna hi chonset ahipon Pathen nadia hoplenta a natong nom hon atupding mong dinmun chu ahi. MBC Secretariate hin Social, political chuleh religious issue aboncha deal abol ahi. Gamsung thilsoh to kisai ipi

hijongleh Politician hon aboipi na sanga thuh jo le lutjo a boipi chu Houbung ahi. Khosung houbung in khosung level a aboipia MBC in State level a aboipi, Regional level ahiteng CBCNEI in aboipia van noi hop ahiteng BWA in aboipi ji ahi. Gamsung chamnale khantou na umthei nading hin Politician ho role le Religious leader ho role kibang tah in aume. Hiteni hi ahung chekhom teng gamsung chu chamna, khantou na le machal na hung um ji ahi. hijeh a chu MBC houlamkai lena panhi gamsung politicsa panlenta lahna jong hia ahi.

4. Amasa nukhah a anukhah masa. Manipura hou kivaihomna a alenpen MBC a mopohna lah kiti hi Association jouse a din kot hon hijong leh abon chaova chanvou changtei ding tina jong aumthei deh poi. MBC Secretary khat hinadinga ngaikhoh qualification tamtah umjong leh tukhanghin akijih laha jaolou qualification ie creativity, hamlepao thepnale Leadership quality neina pajoh hi Search Comitee hon ahavet pen danun aumtan ahi. Manipur gamsunga cheng ihi jehun lamkai khat chun Meilhei pao athothem angaijin CBCNEI chule BWA levela kholchena tam ahijeh in English thothem ahi angaije. Association lentah a kon himanle, Theological degree sangtah neimi hijeha Secretary khat hina dia Ihinjouna hijeng lou ahi.

Masanglaijin Khantou lou jehin amapao va bible ananei lou tribe hon Meilhei pao bible anaman-gchau vin tunin hichu amaho din Pathen phatthei channa lentah khat ahung hitai. Meilhei paova thusei lasah athem taovin ahileh masang a akhantou lounao chu tunin MBC a amahodin advantage johin ahung pang tai. Langkhata Kuki te hi Bible eipaova neimasa chu ina hi jehun meilheipao hi gelkhoh in inanei pouvin apaou thoding jong thanopna inei pouvin, tunin MBC sunga kikhom laha Meilheipao lhasam pen loikhat chu ihi taove. Pathen thusei nale Taona man nalam jenga jong ilhasam mamao vin hitabang dinmuna um ihi jehun Meilheipao jeng kiman na MBC kikhop na a jong lungthanopna iha nei thei tapouve. Pathen thulama hetna sangtah neijong leohen local levela hamle paova ilhah sam jehun MBC sunga kiphatlam na jong ihin neikit taovin, Mopohna lentah lahdang jong kingapchat louna lung thim inei taove. Hijeh chun thunei vaihoma ipan lou phat un facility tampi ichang jou tapouvin chantei nading a seiding jong asunga hangsan taha pan lading inei tapou vin ahi.

Langkhata TBA le CHBA chanvou chanho hi eiho chana igelthei lou ujong hi thil boi tah khat chu ahi. Kihetkhel na chomchom jehin kikhen uhitin MBC a affiliation achom cheh in neitajong leohen nam khat chi khat ihiuvin eiho

chan chu amaho chan jong ahin amaho chanjong eiho chan ahi. Hito kisai ja itoh munu MBC hi nung vetleo hen General Secretary 2 times, Women Secretary 2 times, youth Secretary 2 times chule President 3 times ihin po taovin lamkhat a seidin hiche kalvala hi ijat kichan be leh iteo ham tia jong kidohthei ahi.

Sumle pai thua seidin KBC hi MBC sunga Association lenpen TBCA bana ahin share jong amaho noitah a ipohu ahi. TBCA ahilouleh Tangkhul ho natoh dan hina ivetleh amaho hin Share peh dinga lom ho peh louvin akoi ngaipouvin lhingsetna pe ahijeh un chanvou jong lhingsetnin ahangun ahi. Chutabang machun Association dangjong kitah taha apeh dinga lom share peho chu jana le tahsan na ahangun lamkai kilhenteng jong leh apothei ding aumnah ngalleh koiman notthap in akoi thei poi. Association lentah hijong leh chankihopna a chang lou kiti ho hi ajeh khat um tei ji ahi.

KBC hi Midang Association nao ho banga MBC a affiliation thuma hinmu ahipoi. Tunichan dinmuna MBC akiminphah nachan a KBC suhmilthei hilou ahi, ajeh chu MBC hung kiphudoh tilla General Secretary masa pen chu Rev Seikholet Singson KBC inahi ahi. Lamkhat na seidin aphutdoh le aneite joh ihiu ahi tithei ahi. Eimite hi mikinote (hasty) ihiuvin,

natoh khat hi sottah chepi joulou thanom taha kipan khat jong chu sotlou tah a thase jeng, chujoule semphat sanga dalha ngapcha/haingapcha jeng te ihiuve.

KBC hi nikhat le achanga ding jouhen itiuleh akhonungding thuhtaha gela ahinphah nading tohgon semthem hon tua pat a tohgon asemuva agontup diu chu thilpha ahi. Kigon tupna masa umlouva thillentah/nalentah toh kiti hi jolou theidinga risk lentah kila ahi. Hijeh chun eihon jong KBC khonung dinghy tua sanga pha le hoi ihetu leh kikin no louvin lung gel sepkhom uhitin kigotna kicheh tah in neimasao hite, lampi jouse gontup ahisoh teng podoh leohen tohgon chu lolhing tei ding ahi.

5. Thuchaina: MBC a pan ilah sungun Mopohna lenho a lut ding ngaito in apha. Hitabang chanvou changdia kigotna nei ihijing laiun pehdinga kilom share jong ahinabang tah a peh in apha. Tupet din muna MBC sunga mopohna Association jousen chantei ding tia adei ho chu General Secretary, Finance Secretary, Mission Secretary chule Centre Church Pastor kiti ho hi ahi. Hiche mopohna hohi ahop lenin Pathen ding leh jatle nama dia natoh na mun thupi tah cheh chu ahi. KBC hi MBC a pan lentah hin lajing ihi jallun tun jong thanom tah in kiphut lut leohen chung a kisei mopohna ho hi eihon jong ipoh monadiu imacha aumpoi, Hitabang dinmuna chu ium teng uleh KBC khonung ding tohgon semna a pan lentah ilah thei joh dingu ahi.

KIPA THUSEI NA

KBC C/C Salem Village Sapor-meina Gambih no. 4 a um Pu Letkholun Haokip le ainsung miten Pakai ngailut na jalle



alhachate khohsah na jallin KBC Office a Secretary hole Staff ho jouse Ngailutna thilpeh eihin peuvn achunguva kipathu sangtah in kahinsei uve. Hitabanga Pakai lhachate chung a hongphal tah a thilpha hin bol insung mite Pathenin ale tamtah in phat thei bohjing tao hen. Kakipah uve.

WORLD ENVIRONMENT DAY -2018



Henkholen Kipgen
Development Coordinator

“Beat Plastic Polution”

Host Country: India.

World Environment day hi Environment day, Eco Day chule achomlam'in WED in akihei,Vannoi pumpin 5th june nikho hi thupi tah'in Annual events khat in akinit ji'e.KBC injong environment awareness hi KBC houbung jouse le khosung jousen anei thei nadin anikho chet in mang jou hihjungleh kumseh in June 2nd Sunday nikho hi World Environment Day nikho in imang jiu'vin chule KBC Event Calender injong ikoj jiu've.Kumseh in Theme le Slogan akisemjin Tukum 2018 WED Theme adia kistem chu“Beat Plastic Polution”.

Environment hi ipiham:

Environment hi Eipao'a seidin Pathen in asemsa chule eipeh'u ikivah nadiu le ihinnadiu va ahinading bang tah'a thil chikim ahingthei le ahinglou ahivang'a mihing'a dia thil khoh tah tah ikom ivel a aumjouse hi eiho'a dia Environment ahi.Vetsah na'in Leiset,Hui(oxygen),Thingp hung,Song,Tui,Nisa,Sa le Nga,Vadung,Tuikhanglen,Mol etc,Achung'a kisei hojouse hi mihem'a dia angaicha ngen ahi.Vangset umtah'in mihem kiloset nale pathen'in eipeh'u thilho ngailut'na belhel'a imoh suhmang mang jeh uhin ichennao leiset hi til to abang tapon,kikhelna akumseh in akimupan tan,asesa ho ijo kham kham uva isemhoi kit

lou ule hahsatna tampi imakho uva ihin tobe diu ahi.

World Environment Day(WED) History

World Environment Day(WED) hi 5th to 16th June 1972 kum'a United Nation General Assembly le United Nation Environment Programme(UNEP) in United Nation Headquarter mun'a Conference aneikhom hon na'a kon'a hung kiphut doh ahi.Amasa pen din 5th june 1973 kum'in vano pumpi'a khopi len jouse'a anakimang pan'in,Theme masapen chu"Leiset Khat Bou Seh" ahi,

Epi ding'a World Environment Day init uham?

WED hung kipat dohna pipen chu Neh le chah hahsatna,Akum kum'a Gammang kisumang,leiset akum kum'a sacheh cheh,Hui thenglou pung cheh cheh,Kumseh'a Tuikhanglen 2.9 Milimetre/0.11 inch a sang cheh cheh,hiche ho semphat/suhtang nading'a WED hung kiphut doh ahin,hiche nikho init lou'na pipen chu:

1.Mijousen achung'a kisei tijat umtah Environment issue hohi awareness anei cheh nadiu.

2.Mijousen Awareness inei naban'uva ijokham kham'uva iti pan ilah uva asesa hohi isemphat diuham.

3.Ichen nao ikom ivel'a um Thing,Song,Tui,Ganhing ho-jouse hi amangthei ahin,venbit nading'a pan ilah cheh nadiu.

4.itileh ikom ivel/igam sung uhi anen aboh akisumang in theng tah in mijouse aki'um thei dem.

World Environment day nikho'a thil kibol ho.

Mi tampin anikho masang'a kipat in kigot na thupi tah anei jiu'e,mijousen pan alah nom nadiule anikho kiman lona pipen ahethethi nadiu'vin in News Channels honjong pan nasa tah ala jiu've,Newspapper injong mipi hetthei nading in Environment issues,iti isemhoi diu ham chule iti pan ilah khom uva inopsah nadiu lampi hojong article hoitah tah ahin pe'e.National le International level injong Banner a thucheng hoitah tah kijih in Khopi sung'a Rallies achejiu've,Veng sung'a thilnen kipaithang ho suhteng na nikho injong akimang'in,hiche nikho nile simlai chapang ho Environment issues ho ahethcheh nadiu'in Drawing/Painting chule essay competition school level injong akibol ji'e.Chule hiche nikho ni'a akibol hoitah khat chu School,Ngo's,Social Workers,Govt, Dept officers chule milen milal hojousen jong thingkeh mun'ong lai ho'a thingkeh aphut jiu'e.

Mihem in Environment Akisuh set dan:

1. Plastic paithang: WED 2018 Theme hi "Beat Plastic Polution" Mihem a dia plastic (Polythene) hi niseh a angaicha khat ahin, plastic aki-pai thang jeh in igamsung'u then'na lam'a aki lhasam'in chule igamsung'u kidah/vetset in aum'e. Plastic hi mihem a dia thil poi'mo tah ahivang'in mihem adia manthah'na khat jong ahi. Plastic hi thil dang bang in amoh mon jou pon amon nadin kum sot tah alut'e. vetsah na'in plastic Bottle kipai thang hohi amon nading in kum 450 alut'in chule plastic bag mon'na ding'in kum 1000 alut'e. plastic kipai thang namun'a leiset fertility asumang'e, ajeh chu plastic kiseum na'a hin chemical apang'in hiche hi leiset toh akimat phat leh poisonous chemical ahin semdoh in, hiche hin leiset ahoi nale apha't'na hatah in asumang ji'e. Plastic mei'a kihal jong hi apha't'na aum deh poi, plastic a kon'a akhu (smoke) hung doh hin mihem tahsa hatah'in asukhan ahi. plastic akhu hi mihem tahsa bou asukha pon Green house Gases apun be sah'in, leiset temperature hi asan sah cheh cheh e. hetding le juiding'a pha chu plastic akiman jou leh suhtheng sel'a kitup tah'a koiding manchah nanom phat leh mankitding. Plastic hi ahithe chan a hallhah lou'a

manchah nathei chom chom manding apha'i. Plastic paithang jeh'in thilnen apungbe be'in, then'nale damthei na asumang e.

2. Ganhing lungset nabe'i'a moh tha tha: Ganhing alen hihen aneo cha hijongle mohtha tha hi mihem a dia mannatah ahi, amahon jong panna anei cheh uahi, vetsahna'in vacha aumlouleh hon le lou a lung/ ganhing ahat in muchi asumang e. Mihem in ganhing lungset na akinei lou jeh in ganhing tampi aki sumang (extinct) tan, ganhing tampi jong amang ding kon a um ahitai. Khatvei aman kal kinung mu thei ahitapoi. Masang lai in lpu ipa teovin gamsa tha hi kithang at na in ana nei uvin, tungi in kuki ten gamlen hi hatah in ichepi nalai uve, gamlen jeh'in mitampi hinkho abei lon chule mitampi ahinkho'a elbai, chatmon aumloi. Gen 9:3 ivetleh ganhing alen aneo jouse hi na an (Food) diuva naki tha thei ahi, Pathen in ganhing tha nading'a permission eipenaove hinla nehle chah ding jeh hilou mihem kilaset nale sum ngailut najeh in gamsa aki (Horn), avun (skin) deina jeh in gamsa tampi aki that e.

3. G a m m a n g (F o r e s t) kisumang: Mihem adia forest hi angaikhoh pen khat ahi, ajeh chu ihinnao hui (oxygen) hi thingphung akon'a ahin, thingphung tamlou na'a tuijong ahah in ajeh chu thingphung ajung

in tui achop in chule tui akhol thei e, thingphung in leiset atuh det'in landslide/mudslide aveng bit e. Mihem'a dia Thingphung phatchom nahi seijoulou ahin hinla kumseh in mihem in thingphung akisunmang cheh cheh e. Kumkhat sung'a vannoi pumpi'a thingphung/Forest kisumang jat hi estimate akibolleh Approx 77,327 Sq Miles ahi, aletdan hetthei nadin Manipur letdan hi 22,327 Sq Km bou ahin chuti'a ahileh vannoi pumpi'a mihem in kumkhat sung'a forest kisumang hi Manipur letdan jat 10 val lenjo hi akisumang ji ahi. Hiche rate a ichejom jinguleh forest mang cheh cheh ding a consequence chu Huitheng lhasam ding, ichen nao leiset sacheh cheh ding, tui hah cheh cheh ding, tu'a sang'a hahsat na, dammo na, thina jatchom chom ihin to diu ahi.

4. Forest /Gammang kimoh hallhah: Gamdang'a gamgot lai phatle kolphe (Lightning) akon'in gammei akathe in eiho gamsung'a gammang kaho hi mihem akon ngen ahi. Gammang hung kah lona ajeh veohite.

A). Churup (Cigerate) chep ho kitup loujeh a. B). Gamsa tha nathei dia. C). Muchi tu nadia ki-hal. D). Bong le loi vah hon hampa phat nadia ahal. E). Ajeh beihel'a boldi hetlou manle engset jeh'a

gamhal jong aum'e. Tunia igel-phat diuva dei umchu gammang ihal phat uleh imulou'u ganhing chikim ihallih thao ahi, chubanhle thingkeh, thingphung kum sotpi lut'a hung khang doh imacha louhel'a isuh mang jeng'u ahi.

Christian perspective of Environment: Christian ten itah san uhi leiset le asung'a um chikim (ahingthei le ahing lou) jouse hi pathen thilsem ahin, athil sem kidang simjoulou holah'a ama limle mel'a ahin sem mihem hi angai sang penahi. Gen 1:28-30 veleo hen, Pathen in mihem asemjou in phatthei aboh'in asemsa leiset chung'a umjouse chung'a thunei na apen ahi, hiche thunei na hi mihem in angaichat dungjui le kihinso na'a aman-chah nading'a apeh ahi. Tunia igeldia dei'um chu Pathen thilpeh hojouse hi kitup tah le ingaichat dungjui'a iman chah uhinam? Ahilouleh Pathen thilsem ho suse joh'a ipan u hitam! Ichennao leiset hi masanglai a lungmong tahleh kipahtah'a ichennao leiset chu ahijou tapoi'thilsoh kidang dang akum kum in muthei in asoh e, hiche hi ahi nading bang'a thil aum tah lou jeh'a hung soh-doh ahi, avai gei masang'a ibon uva kitoh tahle lungkhat keng'a ichennao leiset ikisemphat phat ahitai.

MBC Mission Tour to Maring Naga Baptist Association (MNBA)

Kuki Baptist Convention jong MBC noiya kikhailha Association khat ahijallin KBC mina pan agakilah na report chomcha kahin tah lange. Achesa 5 -6th May 2018 nichun kumseh a MBC Mission in ahinchepi jing Associations Mission Tour 2018 chu Maring Naga Baptist Association houbung ho laha anakichen ahi. Kum 2016 kum in KBC in host anakibol in Churachandpur Area anakichot pin ahi. Ningkum 2017 kum chu Inpui Naga Baptist Association host bolding ahin boina chom chom jehin ana kiche thei tapon Association 29 kigopkhom na MBC a Association dungjuj a kihom program khat tohdoh jou lou kiti hi kum 28 anga kit ding tina tabang ahitai.

12:00 noon in Association Mission Secretary jouse MBC compound akon kakipat dohun Chandel District Machi Centre Church anakijon khom e. Hiche Machi houbung hi Maring houbung ho laha a alenpen loi ahina banah Sub Divisional Headquarter mun ahijallin akhangtouv in ahi. MBC Mission tour team jouse Saturday nilhah in thakhat in kaikhom na akineikhom in akigeh khomin anneh tuidon ahoinathei penin eibol peh un mel lomtah in eisa sahun jin jendan athem l'heh jengun ahi.

Ajing khovah in akalsong Mission Secretary jouse akikihom khen in kei jong Kangoi Kholen Baptist Church a kakimang in ahi. Pathen houkhom na anom in Aneh tuidon hoiselin eisempeh un chujouvin vailhah na a amahon kihinso na a atohpipen u Pocha khat le tongkol neokhat agamkhutsoha chindin eihin peovin ahi.

MBC lhahsam na tampi umjong leh asunga um Association 29 ho Pathen thua a kiman khomna akinei ji teng anopna chombek khat aum jin ahi. [Photo]

TRIPURA GAMA KBC MISSIONARY DAMSELLA GALHUNGTA:

Kum 2017 February lha apat hung kiseipan chule kumsunga hin ki-boipi Tripura gama Missionary khat solding kiti chu Pathen lungset in 29th April nichun Centre Church New Lambulane a GI Seikholen Guite Missionary din commissioned akibol in chule 10th May nichun soldoh na anakinei tan damsellin aumnading munding Lufanga ESC Mission Centre aga lhungtan ahi. Thilkhouna thu Mission Secretary in anakisei peh in Pathen henga taona ana kiman peh in Tripura gama hangsan

tahle ponthotah a pang din soldoh na anakinei jin ahi.

Amahi KBC Mission Field Dhalai District chetna chu lutlou laiding kumsung hi hamle pao jilna chule agammi te chonlekhan jilna phat a aman nahlai ding ahi. Hiche kumsunghi Ministry Orientation phat a kila ding ahi. Hiche Orientation phat sunghi agama um Evangelical Synod Church (ESC) Missionary hotoh umkhom ding Rev Lt Gante Tripura ESC Mission Supervisor pu vetsuina noiya umding ahi. Hiche tohgon hi ESC Head Office Churachandpur hetpeh na noiya kibol ahi. Lhaget sung Missionary Orientation ahinchai a agam hamle pao ahung thep a chule agam chonle khan ahung thep soh teng KBC Missionary khat hina a Dhalai District Tripura a mopohna lhingset na lut ding ahi.

Chonlekhan kibah louna migama uma agampao jil kiti hi thil bai ahipoi. Langkhata Missionary khat hia agampao hetlou kiti jonghi lolhin lou na bulpi khat ahikite. Khonung le I Mission u lolhin thei nadinga genthei taha hamle pao kijil sah masat ahi.

Genthei tahle hah sataha hamle pao jilding chule hin kho mang ding ahijeh in muntina houbung miten itaonao vah anagel dohjingi hite. Pathen manchah khat ahung hia amajalla Tripura gamsunga Pathen na itoh u ahung machal thei nading le agammite tojong insung sopi hina ikiguijop nao semhoi a ahung umnadin taonan geldoh jingu hite.

Pathen in amalam hinkho phatthei bohjing henlang lolhina pejing taken.

PHAIJANG MISSION BOARD KIPHU NI KIMANG:

Kuki Baptist Convention houbung jouse tuni chana thanom tah a Pathen a dinga na itoh khom nao Mission natoh ahung machal jing to Ihonin achesa 13th April 2018 nichun Phaijang Baptist Church KBC no 4 in Houbung Mission Board kipudoh nikho anamang un ahi. Hia chun Rev Henjalen Dounge Mission Secretary thupi sei jin apang e. Hiche Mission Board hi 1984 kuma anakiphutdoh a tunichan a hi Pathen natoh na a pan ahin lah jing u ahi.

Hetdinga pha khat chu Haijang houbung hi KBA le NEKBAM khang laija pat hung umsa peh houbung ahin tuni chana monpi umtah KBC houbung khat chu ahijeng e.

Hiche nikho hi Nute nikho to jong akito khah tah jeh in jingkah lam kaikhomna Nute nikho Thupi akiseiphongin sunle nilhah lam chu Mission kiphudoh ni tin maicham semnan akimang in ahi.

Pathen in hiche houbung hi phat thei boh jing taken.

Gambih No. 12 Tour Report:

Achesa nisim 5th May 2018 nikho hin Gambih No. 12 Tour Molphei Baptist Church mun a akichen nilhah in mipi Kaikhom na a Pi Hekim Khongsai, President Women Depr, in Pathen thua



mipi tilkhon anei jin Pathen jallin kipah tah in mipi houkhom na akichaijin, ahung kikhom mipi te hon jong aphatchompi tei diu kinep aume. ajing Saturday nikho hin Gambih pumpi Angol taona Programme ahin, Gambih siunga mipi 340 ahung kikhom doh un. Mipi Houkhom na a Women Secretary, Ng Lhingjanem Haokip in Taona thua houlimna aneijouvin, Gambih Pastor pa le Gambih lamkai ho makai na in Tao khomna pung 09:00am - 2:00pm chan akimangin, taokhom na akichaijin Molphei Houbung miten ahung kalsong ho ngailut ankong eisepeh un ahi. Tuchung Khonei Houbung mite le Gambih mite chung a kipathu seijou lou ahung kiphong. Pathenin Houbung le Gambih sung umpi jing taken.

Prescilla Centre te to Meeting report:

Achesa nisim 10th May 2018 Thursday nikho hin Lydia Resource Centre Sponsore body Pescilla Centre Guwahati te Joint Meeting Meeting Lydia mun akinei khomin, Centre langa konin mithum Director nu Lamkai na ahung un, KBC langa konin Gambih No, 8 le 9 Nute Lamkai hole Lamka sunga Centre



Church 5 ho a Nute lamkai ho toh Convention Work Committee ho toh kihouna akineijin, Director Mrs Akung Gangmei Lydia le Prescilla Partnership kumkhat ahung Ihin toh Ihonin tohkhom na chung changa hetdinga pha ho hilchet na aneijin, tohkhom na a 3yrs sunga fund ho amahon eipeh diu ti kinop tona angaija chelha ding amavang 3yrs agreement kichai nung jongle partnership vang tanlou ding tin kinopna atah in agreement sign Women Secretary anei kit taovin ahi.

Nute Nikho kiman na report

Tukum 2018 kumin jong vannoi jin aman Nute nikho chu KBC Houbung tin a La kitet nale Bible chang kitetna hoa iman u akihen nachung cheh uva kipa thu Pakai minin imunpiu KBC



Officea konin ahung kithotne. Nute ho cha le nao toh kiseimo jong leo hen Pakai ngailut nale ikiloi khomnao khantou ding deisah na jalla natompan nahou, Nute Nikho anopna thei dingle alohin na thei dinga lamchom chom a pan nalah nahou, Houbung khantou na ding le ikiloi khom nao machal na

dinga napan lah na jouse uva Pathenin phat thei naboh cheh tao hen. Keima tah jong lam hahsa jongle Loibol Khopi KBC Gambih No. 7 a kaga kimangin Pathen lungsetna jallin Thupi Li (4) vei kaseijin Sunin La kitetna le lungchin chang sei kitetna aneijun progamme nomtah kahung kimang chauve Pathen thangvah in um hen.

Gambih No. 8 ho chung a kipa thuseina:

Achesa nisim 20/5/2018 nikho hin KBC Gambih No. 8 Pastorpa Rev. Thanglen le atoh khompi Gambih Executive hon Lydia Resource Centre a kon a Class XI le XII a lolhin na neiho kipapi nale Simlai ho jouse tilkhouna chule Ponkhong Training bol ho tilkhouna ahung neijun Pathen henga taopeh nale tilkhouna in Rs 2500/- jong ahung peuv in achunguva Pakai min kipa thu sangtah in ahung kiseije. Pathenin amaho le Gambih No.8 Houbung mithengte jouse phat then boh cheh tao hen. Tuchunga CI-XII lolhin na nei ho:



- (1) Ng, Thethem Haokip, G.Songlung B/Ch No.4
- (2) Ng, Zoujam Gangpijang, KBC No. 19
- (3) Ng, Pichong Gangpijang KBC No. 19 chule
- (4) Ng, Kimnu Moreh KBC No. 15 ahieve.

Pathenin amaho jong maban a lolhin na sangjo pe cheh tao hen.

S. Kanaan Veng BOD hon Lydia Centre Vilna nei

Dt.27/4/2018. Lydia nikho ahitoh Ihon in S. Kanaan Veng BOD hon Lydia Centre Vilna ahungnei un chini bongnoi leh nehthei



twitah eihung donsahsah/nehsah un chukeo hilou in Rs 2000/- jong alolhing ho kipapinale Lydia centre sunga umjouse ngailutna jallin apeove. Tuchungkeo hilou a kumdanga jong thilpha anaboljing u ahi. Lydia Centre sunga umjouse thalheng in kipathu sangtah in kahin phonge. Chung Pathen in phatthei naboh taohen. Vahboi Warden-Lydia Resources Centre

WORKING WOMEN HOSTEL SEAT 11 ONG

Seat available	11
Form man	Rs 100/-
Form kihom pat na ding	1st June 2018
Last Date of Submission	15th June 2018
Form Limit	17 Forms
Amuna ding	Hostel Warden

Contact no. 8415971457

Requirements / Angaicha dingho

1. Pastor Recomendation

2. Doctor Certificate

Youth Column

BYPF Thua Hetsahna

KBC sunga kineppi umtah Houbung jousea Youth Department jouse henga na nom chu ahileh Youth Annual Assembly a kiphat-sahna dungjuia klumseh a ana kiboljing Baptist Youth Prayer Fellowship hi ihin boljing diu tahsan aum in ahi. Hito Ihon chun tuhin kum kim ahin phatan hinla kilolna bangin BYPF Offering hi office lam'a ahung kithah beh pon, phatea hingelkit dingin temna sangpen ahung kineiye. Lhaseh a Last Saturday Nilhah hi Houbung jousea BYPF Kaikhomna nilhah ahitoh Ihon in hiche nilhah a Offering jouse hi Youth Department khohsahna khantouna dia office a ihin thah cheh diuva hetsahna kihin neikit ahi.

KBC Central Choir Member

KBC Central Choir hi KBC pumpia ahitoh Ihon in KBC Youth Department vetsuina noija aumjingin, member ho hi koikoi hui vem chuleh hoilang gambih a kon hui ham tihi Houbung mite hetdingin tahlangna anoija hin kahin pen ahi.

SL. No.	CHOIR MEMBER	HOUBUNG	GAMBIH
1	THANGLENMANG HAOKIP	K. Moulpi B. Church	19
2	LETMINLEN HAOKIP	T. Champhai B. Church	8
3	LUNKHONGAM HAOLAI	Haijang B. Church	10
4	Th. MANGBOI BAITE	Pashong B. Church	2
5	PAOMINHAO HAOKIP	N. Songlung B. Church	4
6	PAOGOULAL KILONG	C/C Kangpokpi	5
7	JOHN NGAMMINTHANG HAOKIP	Ch. Avenue B. Church	1
8	LALMINLUN KHONGSAI	Kulbung B. Church	9
9	THANGJAHAI LHUNGDIM	Twilelon B. Church	12
10	THANGLUN KIPGEN	C/C Tujangvaichong	6
11	NENGNGAIDAM HAOKIP	C/C New Lambulane	1
12	NENGNEITHEM KILONG	C/C Canaan Veng	1
13	LAMNEITHEM HAOKIP	Gamphajol B. Church	14
14	LAMNGAINENG HAOKIP	C/C Moulnoi Area	16
15	HATNEICHOI TOUTHANG	T. Champhai B. Church	8
16	CHINNEIKIM HAOKIP	C/C NGV	1
17	LHINGJAKIM HAOKIP	C/C Kanan Veng	8
18	DEIJOLLY HAOKIP	C/C Kanan Veng	8

19	NENGNEIKIM HAOKIP	Joujangtek B. Church	7
20	LHINGNEIHOI DOUNGEL	Molkon B. Church	3
21	HATNEITING HAOKIP	Moreh B. Church	15
22	HATCHINGTHEM HAOKIP	Makhaop Tampak B. Church	11

BIBLE QUEST 2018

- * Apat ageisang naipoi
- * Form akihopjing lai ahi
- * Gambih Youth Lamkai ho koma form kilah thei ahi
- * Form man Dk. 30/- bou ahi
- * October 14 Sunday nikhoa exam umding ahi
- * Houbung dangho seison peh ute
- * Jeremiah le Lamentation sungbou ahi
- * Thudoh hi Adih lhente bou hiding ahi

HOUBUNG THAH KILALUT

Achesa April 9, 2018 (Monday) nin Moldenphai Local Church chu Kuki Baptist Convention, Gambih No. 11 Houbung khat'a dingin Pu Pastor Letlal Haokip, Pastor Gambih No. 11, KBC in giltah le kilomtah in, Apa, Acha chule Lhagaatheng Pathen min in lahlutna kintheng chu ananei tan ahi.

Chule hiche lahlutna program kichai chaijin Gambih mipi le ahungkikhom chengsen kipa Ankong sokhomna jong akinei in ahi. Moldenphai Houbung Lhagaova ahatjing thei nadin, KBC Houbung mipin taonan kopjing jing uhte.

Kakipah'e.

(TINTHANG KIPGEN)

(HEMTHANG HAOKIP)

Secretary, Gambih No.11, KBC Chairman, Gambih No.11, KBC

Education Column

Tunia Houbung mite ho henga kipathu kahinphon doh nom chu ahileh;

Chtistian Education Board in kum tohgon kinei ho lah a Seminar/ Training bolding kiti chu Pathen lungsetna jal in achesa May 22 – 25, 2018 sungin 1st phase a din C/C Chassad ah KBC Gambih No.17 pumpi hop in ana kiboltai.

1.Resource Person a eipanpeh hou;

i).Pu Dr L.Haokholet, Chairman Edn Board

ii). Rev. Dr Paul Paolen haokip, Academic Dean STS chule

iii). Rev. Onthang Haokip, Secy. Edn Board, ahivu.

2. 23rd May nikho hin 7.00 am in Edn Secretary pu Rev.Onthang in Prog. ho thenhonna taona amangin, Student mi 200 vel chu jing-an tuitah in akineh sah in, nilhum in class akilah peh uvin, amaho jong gunchu le thanom tah in apanguvin kipathu akiphonge. 2nd day 24th ni hin Parents mi 130 vel ahungkikhom doh in, amaho jong jing-an akigonpeh uvin, pontho tah in pan aluvin, achunguvah kipathu ahi kiphonge.

3. Tuchunga hiche “Care & Counselling Seminar” lolhinna dinga pan nasatah hinla ah Gambih No.17 Pastor pu leh Gb. Exec. Com. ho, chule C/C Chassad Pastor pu leh Deacon board member ho cheng chung ah seijou kipathu kahinphonuve.

HETSAH LE NGEHNA

Muntin a um tohkhompi KBC Worker ho le Houbung lamkai te cheng kom a avel’a hetsah leh temna nom chu;

Lhani(2 months) ma a Edn share Houbung General Half tithes a adjust a Office a hinhah ding tia lekha thot hinkihom chu kipa umtah in Houbung phabep in khohsahna jal in ahinhah tauvin achunguvah kipathu ahin kiphonge. Apelou lai leh apebangkhai chengin jong khohsahna hinneija agangtheilam pen’a hinhah teidingin jong ki-neppina lentah pum in Pakai min in kahintem uve. Koitobang khat in aheththemlouna aumkhah leh cont.no. 9862829818a hi ikjah touva, hethem tah a tohgon ho achal lhahna dinga pan hilacheh teidin ikite-muve.

Kotlen Baptist Church Nute Camp kichaita

Achesa nisim 25th June 2018 Friday nilhah a kipanin Kotlen B/Ch No, 6 a Nute Camp kana neijun, Thupi: 'Pathen lam'a Christa gim namtui



kahiuvé' II Cor, 2:15, Speaker: Ng. Lhingboi Kipgen, MBC Women Secretary le Ng, Anem Haokip, KBC W/Dept, Secretary chuleh Camp Director: Pastor Ngamneo Haokip ahiuvín, Pathen lungset in Camper Minu 75 apangin, Pathen panpina jallín Camp jao jousen tahsa lam le lhagao lam akihilna ho kaphat chompiuvín Pathen kathangvah uvin, hijeh chun tuchung Camp a Speaker teni le Gambih Pastorpa chule Pu Minthang Gari Driver amaho jouse chungá Kotlen Nute ho thalhengin kipathu kahin phongin amaho jallín Pa Pathen kathangvah e. Pathenin ikiloi khomnao KBC phat thei boh jing taken.

Nl. Nemjahat Haokip
Chairperson Kotlen B/Ch KBC No.6

Pate camp Lolhing tah a Kichaita

A chisa Dated 11 to 14 April 2018 sungin Gambih 20 pate Camp lolhing tah in akichai in Pathen thangvah in umhen.

Speaker Rev. Solun Haokip

Camp Director Pastor Mangboi kipgen Gambih pastor.

Theme: "Nain sung kisemtup tan"

Pathen in gambih pate ho mangcha jingta hen.

kakipah e

Lunkholal Haokip

Secy. Men Dept., Gambih 20.

ZAKAI MINISTRY

LOLHING TAH IN CHAI AHITAI

Centre Church Chassad, KBC No. 17 in Mission & Evangelism tohgon na noi ah achesa nisim 3rd & 4th May, 2018 nin Meitei, Nepali Hindi pao mang ho lah a Gospel kipana thupha seipeh nale Ann-neh khompina akineijin Pasal =5 leh numei-1 in Christa huhhingna anei un Pathen thangvah in umhen Amen.

Speaker : Evan. Jeetan

Camp Director : Pastor Lunjalen Khongsai

SongLeader : Anil, Missionary

Arranged & Sponsored by C/C Chassad Mission & Evangelism Board

Thangjahao Kipgen

Chairman & Evangelism Board C/C Chassad.

KBC HALF YEARLY AUDIT

**KBC Events Calendar dungjuija ahung
Ihung ding July 1- 5, 2018 sunga hi Kum-
kim Audit umding ahitah jeh in, June
30th Account Close nikho masang ngeija
Worker ho Bill kisem dingho hihen, De-
partment Secretary ho hijongle Office
langa suhtup thei chan ikisuh tup cheh
diuvin Hetsah na ahung kineije.**

KBC THUSO MAN THUA HETSAH:

Muntin a KBC Thuso ngailua anasim jingho henga hetsah na nom chu I Thuso u hi eihoa ahin eihon cheh in Houbung le Department hihen, Individual a laho chule Gampam a Post a hung kithot jingho hijongle lungset tah in Thuso lah man hi aphatcha chan hin kisutheng jingun tia hetsah na hung kinei ahi, ijem tia kum 3 val bat neihon nahung kithot jom tah lou u jongle ana hethem un tin jong ikihet sah kit uve.

OBITUARY



Ngailut umtah Pu Laishram Tomba Singh, Proprietor BCPW chu achesa nisim 22/4/2018, Sunday nikho hin jingkah akichep na a atha hungchol a ngoilha jeng ahin, Raj Medi city Hospital apoh ule jenmanlouva aleiset hinkho anabei ahitai. Pu Tomba hi milung lentah kihoupi nom tah ahin, adeh a KBC a dinga contribution lentah nei suhmil theilou mi khat ahi. Tuni chan a lekhabu inei hou jouse Houbungla le ladeilhen, Thuso, Reciept Book chule Certificate jouse le lekhabu dang dang ho jouse hi paisa aphatchan kipe jou hih jongle lunglen tah a ama duty dana gella aphot cha a eitapeh jingu mikhat ahin, aman het manlouva tuchunga eidalhah u hi KBC a dinga jong man na lentah ahin phamo akisai. Pathenin ainsung mite jouse lhamon na petao hen.



Care & Counseling Seminar For Parents & Students



**Resource persons of Care & Counseling Seminar
for Parents & Students
at Centre Church Chassad, Gambih 17**



**Lydia Resource Centre Taopehna nikhoa S. Canaan veng
Deacon Board in Lydia Centre vilna leh Taopehna aga neiun ahi.**

Post Regd. MNP/81
Regd No. 18134/88



*Care and Counseling Seminar for Parents
and Students , Chassad Area Gambih No. 17*

If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173